


青縣志

光緒乙巳秋七月

知縣高紹康重印



志之爲言記也所以記其事之實也古有史乘
乘者記其家之事也史者記其國之事也名雖
不同而理則一也故求治者必先考其憲章徵
其故實觀前賢之得失察風俗之淳漓以及人
情之厚薄民心之趨向禮樂之興衰順而承之
因時爲治要惟縣志一書足資考證焉余於辛
巳秋調任斯邑其時差務紛繁簿書鞅掌未暇
與此邦人士悉心討論迨事多阻窒官民不盡
和洽于一心雨暘不克應期而時若深自省疚

青縣志

序

未知咎之所在嗣訪於邦之名士紳耆詢及天
時不和人事必有缺失爾等知余政弛之處其
直陳之毋隱者等熟思良久僉曰文獻者政治
所關前憲江公與邦之彥士輯成縣志惟待刊
耳君或未之成耶余聞之瞿然而驚曰謹受教
亟校閱審慎付之梓人以記余之未能盡心於
民因不深求文獻之過也故重叙之以脩日後
之考求益以見政事之所繫匪淺鮮云

光緒八年六月下浣知青縣事盱江包增濤謹識

重修青縣志序

粵考周禮小史掌邦國之志嗣後統志通志郡邑志因之繼作郡縣之有志由來遠矣顧古今異宜人才輩出吏治之馴雜風俗之厚薄月異而歲不同專俟後之人網羅散佚補缺訂訛以續前修韓子云莫爲之後雖盛弗傳不其然歟方今

大府奉

命纂修畿輔通志

檄飭各州縣均修邑志彙成大典凡在名都大邑以

青縣志

卷一序

至僻壤彈丸莫不鴻篇巨製彙萃成編以備採擇惟

青邑屢經寇警頽懼水災耆老凋零舊典殘闕文獻

無存既難措手而宰邑者或以賑卹不遑或以簿書

鞅掌無暇及此同治甲戌冬貢琛承乏茲邑下車伊

始見城市荒涼大堂門廡傾圮無餘載披移卷知續

志未修不禁瞿然曰堂廡所以尊瞻視邑志所以備

勸懲興廢舉墜皆有司當爲之事况前志修於嘉慶

八年已歷七十三載失今不修恐代遠年湮將同杞

宋無徵後此益難補葺現恭逢

皇上御極之初百度具舉

貢琛

雖謏陋不文敢不竭慮殫

心旁搜遠紹仰副

作新之盛治乎爰籌欵庀工先將堂廡落成隨邀集同城
教佐紳耆與之確商開局採訪適署友會稽茹岱齡
別駕蘭陵丁士頴茂才素稱淹博相與朝稽夕考辨
難析疑溯經始於春季越仲冬而輯有成書疑則關
文信則備載凡增補前志而損益之別具條例茲不
復贅但典章殘失諮詢無從掛一漏百知所不免惟
俟後之君子正其偏而救其弊以佳不逮尤不佞之
厚望也夫 時

青縣志

卷一序

二

光緒元年歲在乙亥仲冬之月

謹授朝議大夫運同銜知青縣事頴川江貢琛謹識

重修青縣志跋

志者探風之遺也古者商周之世邦國有志列邑未之聞也至州郡縣鄙其山川土俗里巷歌謠之類則惟視乎太史採諸四方以上之天子故採風之典行列邑未嘗自爲志而民間事實無或壅於上聞法誠善矣三代而後往制旣廢斯在州郡之牧民者攷其品彙察其人文覩述縷陳登諸邑乘視古輶軒之探更詳且盡而不必事驅驅諏度之勞其法則簡其義則一也特是風霜迭易陵谷變遷日月相沿見聞歧

青縣志

卷一序

三

出矧兵燹之餘文獻多闕末俗之傳聞半由附會鄉人之好惡間涉偏陂苟非其人擇焉不精卽摭摭成篇其遺漏於幽光潛德者夫豈尠哉青邑舊志距今已遠茲奉

大府命重加修輯爰謀諸司訓暨紳耆設局諮訪而會稽茹岱林蘭陵丁士穎兩人司其成焉二公江左宿儒博讀書尤精史漢每評古人巋然見大義不屑附俗論故於續志一書筆削綦嚴凡邑屬名山古蹟疑者輒芟之若仕宦鄉賢節烈諸傳尤詳審顛末精

覈棄取不敢以耳食所及概登諸錄方今

國家纂修史策一字褒貶嚴於衮鉞所以微顯而闡幽
懲惡而勸善也郡邑各志雖所治不過百里之地所
記不過一方之事然旌賢淑明選舉採文藝一經錄
取則閭里有榮斯志一出庶幾邑之人日相勸勉篤
品行敦道詣奮科名咸能爲奕千載以爲一邑光用
以上副

朝廷激發士氣培植人材之至意則此日珥筆之士或亦
與有微力也夫

青縣志

卷一序

四

昔

光緒三年季秋之月候選同知廖南江廷珪謹識

重修青縣志

凡例八條

一舊志修於嘉慶八年癸亥迄光緒元年乙亥已歷七十三年及今不修恐代遠年湮益難採葺爰詢訪耆老考據案牘藉續前修但屢經兵燹迭遇水災科房案卷率多殘缺不完如建置職官蠲卹祥異等卷道光以前大半闕失或斷或續未便妄補反失闕文古義識者諒之

一總目悉遵舊志其中應沿應革或損或益均於總條下註明以清眉目

青縣志

卷一 凡例

五

一舊志有山川志一名中山在縣南二里山巖聳峙懸瀑數十丈相傳唐陽城隱居此山一名西山在縣西南五里四周高峻其頂平行今並無之但陵谷縱有變遷崇山豈能湮沒考唐書陽城隱居中條山未嘗經此不如改爲河渠志庶足徵實

一兵防爲衛民之大端前因近畿重地特調准軍駐紮馬廠雖嗣後移駐不定但統軍督鎮及叅游以下至數十員勇丁二萬餘在今日屹然重鎮不

可不紀至大營捐賑實爲義舉故附在兵防庶不
至與蠲卹志相混

一舊志名官中而人物志復有官在職政事似爲重
複且人物名志又與物產志相複現改爲人品志
而以名宦爲首鄉賢孝行等依舊相次而益以藝
術殉難附後非敢輕改舊章實俾閱者一目瞭然
一節孝風紀攸關自應分別另紀嘗攷諸史後漢以
下均有列女傳查舊志節烈在人物志殊無以彰
苦節今另立列女傳並於夫死殉節孀守殉難及

青縣志

卷一 凡例

六

貞孝不嫁諸婦女標以烈婦孀婦貞孝女庶倣春
秋特筆之例

一忠孝節義民之四維必俟其人沒世以後官紳采
舉眾議僉同始克表彰至婦女守節採訪確鑿年
例相符無論存歿尙堪入載若忠義孝友非終始
無間身後論定則不敢濫登非如藝術等無關大
要然亦須年高德劭方採一二蓋生不立傳遵古
訓以符定例

一例貢舊志僅載前明近自咸豐年新章例貢與五

項貢生均銓選學博其中政事文章代不乏人因
時制宜自應入載至例職向無人志不得濫登義
取謹嚴非同臆見

重修青縣志總目內仍照舊志有增改

卷之一

星野

沿革

疆域 形勝 村鎮 街巷 市集 舖遞以上仍舊

卷之二

河渠

舊志本名山川志有中山山西山並云山巖聳峙懸瀑飛流今俱無存但陵谷縱有變遷名山豈能湮沒且言陽城會隱居於此考唐書陽城係湖南道州人隱居中條山足跡未至燕其謬可

青縣志

卷一 總目

八

知不如改為河渠

志始為徵實

堤工

河道至今無改工程近有增修

古蹟

塚墓仍舊志

建置

城池近修 公署近增修 學校仍舊 壇廟近有重修 寺觀近有重修 學田仍舊 坊表仍舊 橋梁重修 渡口改建

卷之三

賦役

里甲 戶口俱仍舊 田賦有增減 經費仍舊

兵防

新增 漕運仍舊 鹽課新增 軍表仍舊

卷之四

職官 知縣 教諭 訓導 典史 巡檢 千總
把總 外委 俱新增 封爵 附近無

選舉 徵辟 近無 進士 舉人
貢生 俱新增

卷之五 舊志 名人 物志 今改為 人品 志名 宦向 在職
官今入 人品 政事 今改作 名宦 鄉賢 且節烈

向在 人物 今另 立列 女一 傳

人品 名宦 近新增 鄉賢 新增 文學 新增 孝悌
新增 尚義 新增 隱逸 近無考 耆壽 新增

富賢 近無考 藝術 新增
殉難 新增

風俗 物產 附 仍舊 志

卷之六

蠲卹 新增

青縣志

卷一 總目

九

祥異 新增

卷之七 卷分 上下 今
增下 卷一 冊

列女 后妃 近無 殉難 新增 賢母 在節烈 中
節烈 新增 貞孝 新增

卷之八 內增 藝
文一 冊

藝文 誥勅 新增
奏疏 近無

卷之九

藝文 碑記 新增 誌表 新增
列傳 新增

卷之十

藝文 詩賦 新增 舊志 序跋
舊志 重修 姓氏 仍舊



重修青縣志卷之二

內仍舊志今不重錄庶免煩
複茲將新增者謹錄如左

河渠志

堤工

子牙河故道並三支黑龍港滹沱清河各河堤工
歷係民修因同治十年各河水漲漫溢汪洋堤
岸無存嗣於同治十二年十三年因各村被災
甚重民力不逮經前縣張濟康稟請賑剩餘米
津貼修堤村庄以工代撫蒙 憲示嗣後仍以
民捻民修

青縣志

卷二 河渠

十

興濟鎮東大王庄洩水溝一道同治十二年經前

縣張濟康稟請米石以工代撫開挖自大王庄

起由安頭廉家庄大興鎮集賢屯王福庄鶉鴿

劉庄康家庄至倉上村東接滄州所挑之溝頭

止長七千六百八十四丈七尺四寸面寬三丈

深三四五尺不等外又有大王庄安頭廉家庄

大興鎮大許庄黃老人庄泗庄集賢屯小王庄

羅家庄等村共挑引水岔溝八道各長不等及

面寬一丈均深四尺

同治十一年三月初九日馬廠大營領修南運河堤由滄州至青縣靜海兩岸計長三百餘里內龍鳳口南塔寺等處皆係險工均經一律修固共計木工二千十七丈有奇土工四千八百丈有奇土方四十餘萬合銀七八萬兩皆弁勇力作不計外共領椿料葦稽等項價銀一萬三千三百一兩二錢一分六釐

建置志

城池

青縣志

卷二 建置

士

按舊志青邑向係土城自乾隆九年重修迄嘉慶八年以來雖迭經修築久亦傾圮又緣道光咸豐年間屢遭水潦科房倒坍案卷殘毀無從稽考近查同治七年春捻逆擾及村鎮前縣鄭以城郭不完無以禦寇稟請米石以工代賑並勸捐各鄉紳董出資重建土城高二丈五尺頂寬一丈二尺圍長四里四毫並據紳士稟明縣署丙向其初南門午向今取丙祿在已改已向復設南門外修甕城並東西南三門各修城

一座嗣後仍因南方火旺門雖設而常關又於同治八年前縣章領發米糧挑挖城濠深一丈寬二丈圍長七百三十丈

公署

縣署於道光九年知縣汪珍重修十八年知縣羅

珍重修二十五年知縣單偉志重修二十六年

知縣鄧椿林相繼修葺咸豐五年知縣錢架重

修同治五年知縣劉彥三重修又在

大堂前新建戒石牌坊一座因同治十年雷雨為灾大堂

青縣志 卷二 建置 十三

儀門盡皆倒塌片瓦無存嗣經光緒元年卑職

江貢琛請帑籌款始將大堂三間前軒三間儀

門三間耳房兩間照牆一座重新創造更將大

門三間戒石牌坊一座重修凡木石磚瓦一律

堅緻以為一勞久逸之舉又查舊志馬號在署

西今在署東不知改自何年無卷可考

壇廟

社稷壇在城東北久廢

神祇壇在城東南久廢

零壇在城東南久廢

先農壇在城東北久廢

邑厲壇在城西北久廢

文廟在城隍廟前嘉慶年重修

文昌廟在縣署東南咸豐八年知縣曾貫之重修

龍王廟在城東北道光二年重修

科神廟道光元年知縣司馬重修

城上關帝廟道光二十四年知縣單偉志重修

流河關帝廟咸豐二年重修

青縣志

卷二 建置

三

新集關帝廟咸豐十年重修

馬王廟道光二十四年知縣鄧椿林重修

東嶽廟在縣東南咸豐八年知縣曾貫之重修

城隍廟在文廟北同治十三年知縣張濟康重修

劉猛將軍廟在觀音堂西同治十一年知縣張

重修

藥王廟在縣東北光緒元年重修

寺觀

觀音寺在縣署東道光二十四年知縣鄧椿林重修

修

呂祖廟在觀音寺西咸豐七年間邑重修

觀音廟在縣西南四十里大孝子墓東南隅同治

六年重修

觀音堂在縣署西同治八年重修

崇真宮在興濟本鎮於同治五年經本鎮紳董稟

請以宮內殿宇傾頽地基尙堅請改建文昌閣

以興文運有碑記見藝文志今崇真宮無樑出

門尙存

青縣志

卷二

建置

十四

學校附

永安書院咸豐六年知縣盧寶臣教諭張勝亭訓

導謝棠仝閭邑士庶重修

橋梁渡口

會瀛橋在新集鎮東咸豐元年重修

太極橋上接半截河下通清水溝經前縣錢築

堤濬溝道光二十五年重修

盤古橋光緒元年春月重修

南蔡庄渡口離城水路二十五里